



Demokraatit Inatsisartuni gruppiat

**Nunaqarfinni ATV-t pillugit § 37 naapertorlugu apeqquteqaammut 2020-184-imut akissut**

28-10-2020  
Suliaq nr.: 2020 - 22107  
ID nr. 58096419

Asasara Demokraatit Inatsisartuni gruppiat

Inatsisartut suleriaasianni § 37 naapertorlugu nunaqarfinni ATV-t pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matumap kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Apeqqut 1. Naalakkersuisut qallunaat naalagaaffiannut atassuteqarusuppa angallannermut inatsimmi immikkut ittumik saneqqutsisinnaanersoq imatut, nunaqarfinni asfaltimik qalligaanngitsunik aqqusinilinni biiliniq ingerlatsisinnaanermut allagartaqarani ATV-nik ingerlatsinissaq periarfissillugu? Akissutip sukumiisumik tungavilersorneqarnissaa kissaatigaarput.**

Akissut: ATV-nik angallanneq pillugu malittarisassat nutarterneqarnissaat siunertaralugu, naalagaaffeqatigiinnermi oqartussaasunik Naalakkersuisut attaveqarput.

Illoqarfinni nunaqarfinnilu innuttaasut eqqarsaatigineqarlutittaaq, malittarisassat angallannermi isumannaassusermut iluaqutaassasut Naalakkersuisut siunertaraat. Malittarisassat massakkut atuuttut naapertorlugit ATV-nik ingerlatsisinnaassagaanni biiliniq ingerlatsisinnaanermut allagartaqartariaqartoq, najugaqarfinnilu minnerusuni biiliniq ingerlatsisinnaanermut allagartartaarniarsinnaaneq ajornakusoorsinnaasoq Naalakkersuisut ilisimaaraat.

ATV-nut sukkassusissap killiligaanera 30 km/t-niusup atorunnaarsinneqarnissaa kissaatigineqartoq Naalakkersuisut taamatuttaaq ilisimaaraat. Biiliniq ingerlatsisinnaanermut allagartaqartariaqannginnissaq ilutigalugu sukkassusissap killiligaanera atorunnaarsinneqassaguni, angallannermi isumannaassusermut tamanna unammillernarsinnaavoq. Nunaqarfinni asfaltigaanngitsunik aqqusinilinni taamatulli ippoq.


Tamanna pillugu nunaqarfinni innuttaasut eqqarsaatigineqarlutik periarfissat allat, Naalakkersuisut naalagaaffeqatigiinnermi oqartussaasunik suleqateqarnerisigut misissuiffigineqarput.

**Apeqquut 2. Naalakkersuisut pineqartumut attuumassuteqartunut allanik nalunaaruteqarsinnaappat?**

Akissut: Naalakkersuisut annerusumik oqaaseqaatissaqanngillat.

Neriuppunga apeqquteqaatitit qulaani allaqqasuni akineqartut.

Inussiarnersumik inuulluaqqusillunga

  
Karl Frederik Danielsen